



UNIVERSITÄTS-
BIBLIOTHEK
PADERBORN

**R. P. Lvcaë Pinelli Societatis Iesv, Theologi, Exercitia
Spiritualia Qvdraginta, De Sacrosancto Eucharistiæ
Sacramento**

Pinelli, Luca

Coloniae, 1608

IV. Meditationes de mysterijs Rosarij B. Mariæ Virginis.


[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

R. P.
LVCAE PINELLI
SOCIETATIS IESV
THEOLOGI,
MEDITATIONES
de *Mysterijs Rosarij B.
Virginis.*

Nunc recens ex Italico in Latini-
um conuersa.



COLONIAE
Apud Ioannem Crithium
Anno M. D. CVIII.
Cum priuil. & consensu Superiorum.



9
INDVLGENTIAE A SVMMIS
Pontificibus fraternitati Rosarij
concessa.

Leo Decimus pro eximio suo in Be-
atissimam Virginem affectu, fratribus
& Sororibus confraternitatis sa-
cri Rosarij, contritis & confessis, in forma
Ecclesie concessit omnes indulgentias sta-
tionum vrbis Romae, tanquã vere Ecclesias,
in quibus tales stationes sunt, inuiserent.
Quoties in diebus stationum quinq; alta-
ria, in aliqua Ecclesia, quãcunque elegis-
sent, visitaret, & in singulis altaribus quin-
que orationes Dominicis & totidem salu-
tationes Angelicas recitarent: Vel si tot al-
taria in ea Ecclesia non inuenirentur, qui-
nis vicibus vnum altare aut ea quae ibidem
sunt altaria visitarent, qualibet vice quin-
que orationes Dominicis cum totide salu-
tationibus Angelicis legendo: Itavt in vni-
uersum 25. orationes Dominicis totidẽq;
salutationes Angelicas, in quinq; aut pau-
cioribus altaribus legat. Sũt alia praeerea
Indulgẽtia à Sixto quarto & Innocẽtio
octavo concessa, quas Lector requirere po-
terit in lib. de Rosario, fol. 17. & 23.

AD LECTOREM.

Rosarium siue Psalterium beatissimæ Virginis (pie Lector) à multo iam tempore in Christi Ecclesia ab hominibus pietate ac sanctitate præcipuis, non sine insigni emolumento frequentatum, & usurpatum, ac deinceps à summis Pontificibus confirmatum, plurimisque indulgentijs locupletatum fuit. Quam verò id gratum sit Deo, multis miraculis & gratiarum charismatibus infinitis, quibus per preces B. Virginis Mariæ, eos, qui pia cum animi deuotione Rosarium frequentarunt ornauit, testatum fecit.

Fieri enim non potest, vt pium hoc exercitium diuinæ Maiestati non sit gratissimum: quia cum in eo mysteria quædam vitæ & Passionis Christi Redemptoris nostri pia & attenta meditatione expendantur, laudatur & glorificatur primum diuina Maiestas, & pariter sanctissima Redemptoris nostri Mater honoratur. Quocirca Ludouicus
Blossi-

Blosius vir non minori pietate quam doctrina clarus refert, Treuiri reuelatum fuisse Patri cuidam Cartusiano internæ vitæ studiosissimo, quotiescunq; quis Rosarium piè recitaret, toties eum nouam gratiam, meritorumque cumulos apud Deum sibi conquirere: Addit etiam eum toties plenam peccatorum suorum remissionem consequi. Verum hoc intelligi debet per Sacramentum poenitentiae. Dubium non est, quin Rosarium, quia Christo Saluatori, Beataeque virgini acceptissimum est, efficacissimum etiam ad impetranda à Deo pretiosissima quæque dona censendum sit: Ut itaque omnes qui pio in B. Virginem affectu sunt, maiori cum animarum suarum fructu in sancti huius Rosarii recitatione se exercere possint, præsentem libellum concinnauius, quo puncta ad meditandum, & Documenta, orationesque vocales tradimus

MODI DVO ROSARIUM VTI-
liter & cum fructu legendi.

Rosarium duobus modis legi po-
test: voce & mente: Prior modus
brevis est facilis & omni hominum ge-
neri accommodatus, Posterior sicuti al-
tero excellentior, ita quoque maiorem
requirit industriam & attentionem. Et
quamvis sua natura priori sit non parum
utilior & fructuosior, quemadmodum
mentalis oratio siue meditatio maioris
omnino utilitatis est oratione vocali,
nihilominus ex priori modo non mi-
nor utilitas, & fructus hauriri potest
quam à secundo, quandoquidem fru-
ctum vel minorem vel uberiorem
percipere ex oratione, ut plu-
rimum à nostra prapa-
ratione & dispo-
sitione de-
pendet.

DE ROSARIO.
METHODVS ROSARIVM
vocaliter legendi.

7

QVi Rosarium vocaliter legere cupit ad vnumquodque mysterium vnā orationem Dominicā & totidē salutationes Angelicas recitet: & ne in recitando mens eius vagabunda ad cogitationes inutiles diuagetur, habebit ante se imaginē aliquā, quæ ipsū mysterium repræsentet & oculis obijciat, quā intueatur: Deinde orationē, quæ breuē mysterij ab imaginē repræsentati declarationē, atq; doni alicuius à B. Virgine quod mysterio conforme sit, petitionē continet, legat. Demum documenta inspiciat & totis viribus ad ea, vel omnia vel eorū aliqua opere adimplenda laboret. Quod magnopere proderit ad vitā diuinæ voluntati conformandā. Cum autē hic sit præcipuus orationū nostrarū fructus, quisquis desiderat proficere, faciet hic particulare examē, num dōcūmēta & sancta proposita, in oratione cōcepta, in opus deduxerit. Si quis antequam mysterium in imagine contentum consideret, orationem præponere malit, & deinde orationem Domi-

8 MEDITATIONES.

nicam decemque salutationes Angelicas subiungere : poterit ad libitum id facere, cum ordo iste non sit vsque adeo necessarius, vt commutari nequeat. Cæterum ad hoc maximè laborabit, vt pia & attenta mente Rosarium legat, neque enim alia ratione aut Deo aut sanctissimæ Matri eius acceptū erit. Orationes hic positæ ferè desumptæ sunt ex Rosario R. P. Ludouici Blossij, qui magnā in libris suis orationū copiam suppeditat, sed omnes ab iisdem verbis auspiciatur, atq; vna eademq; petitione concludit, mihi melius visum fuit secundum mysteriorum diuersitatem, diuersa dona à genitrice Dei postulare.

METHODVS LEGENDI
Rosarium mentaliter.

Qui Rosarium mentaliter dicere volet: primum mysterium illius decadimente paulisper secum expendat, deinde orationem Dominicam cū decem salutationibus, vnicuique mysterio subiungat. Deinde attentè meditationis puncta perlegat, & singula per se

DE ROSARIO.

se, mente reuoluat. Neque necessarium est vt in eadem meditatione, tria illa puncta simul percurrat, sed quando cū fructu vni puncto inharere potest, non sit sollicitus ad alia festinare, quæ alio tempore considerare poterit. Si vero prius malit meditationem instituire, & deinde orationem Dominicam, decemque Salutationes Angelicas subiungere, pro libitu agere poterit, vti supra dictum est.

Et quia in omni meditatione intuitus & voluntas concurrunt, ille discurrendo vel ratiocinando, hæc autem affectū in se aliquem concitando, vt vtraque ipsarum materiam habeat, vtiliter inmorandi meditationi, & vt speratus ex meditatione fructus percipiatur, hic duo quædam notabo. quæ incipientibus non mediocri iuuamentum præstabit.

Primum est: Vt meditans melius possit intuitu discurrere, prius representet oculis mentis, aut imaginationis mysterium illud quod meditatur, tam efficaciter, vt ipsi videatur se coram omnia

MEDITATIONES.

intueri: Vt in meditatione Natiuitatis
Dominicæ: imaginetur sibi se in aliquo
angulo stabuli illius in quo natus est
Christus consistere: atque præsentē ea
quæ sibi acta & dicta sunt, cernere: Talis
repræsentatio, siue vt alij vocant, loci
compositio, plurimum conducit ad
hoc, ne mens sua instabilitate ad illi-
citas & inutiles cogitationes euaga-
tur

Hac repræsentatione facta, intelle-
ctu discurrat circa conditiones, & cir-
cumstantias personarū quæ huic myste-
rio præsentēs affiterunt, considerando
videlicet cogitationes pias & sanctas
quas habuerint, aut habere potuerint,
verba quæ dixerint, & actiones quas e-
gerint. Demum cogitet secum quid fa-
cturus fuisset, si in illo mysterio præses
extitisset: Exempli causa. In medita-
tione de Natiuitate, considerabit circū-
stantias illius qui nascitur, quod sit Dei
filius, Rex gloriæ, Dominus vniuersi
&c. Cogitationes deinde illius amoris
facibus plenissimas, quia maximo desi-
derio flagrabat, pro sceleribus nostris
satis.

DE ROSARIO

R

fatisfaciendi, à seruitute peccati nos
redimendi, & omnibus bonis locuple-
tandi. Loco verborum considerare po-
terit, sanctas illas lachrymas quæ ex o-
culis sacri pueruli ob frigoris asperita-
tē promanarunt. Simili modo discurret
ac ratiocinabitur circa considerationē
circumstantiarum, verborum, cogitati-
onum, & operum B. Virginis Mariæ,
S. Iosephi, SS. Angelorum & Pastorum.

Alterum est: vt postquam meditans
considerationē aliquam deuotam in-
tellectu repererit, adnitatur voluntate
piam aliquam ex ea affectionem, amo-
ris, odij, doloris, gaudij, tristitiæ com-
passionis, aut aliam materiæ medita-
tæ conformem, elicere. Exempli causa:
In meditatione de Natiuitate Domini,
cum intuitus secum expendit æternum
Dei filium à seipso beatissimum, sa-
lutis nostræ constituendæ causa, homi-
nem factum esse, & vix dum natum,
pati & scelera nostra expiare capi-
sse: mox voluntas commouetur ad
amandum & gratias sancto huic pu-
ero referendas, & ad compatiendum
ei

ei in tantis incommodis, & ex toto corde illi se offerendum. &c. Similiter in meditatione Passionis cum intellectus secum ratiocinatur, quomodo peccata nostra mortis Christi causa extiterint: statim voluntas odium capitale aduersus peccatum concipit. Ante omnia vero reflexionem aliquam ad teipsum facito, exempli gratia: Si præsens adfuisses quando Christus in stabulo natus est, quanta cum diligentia & sollicitudine commodam aliquam mansiunculam Infantulo & B. Virgini præparasses: & si aliud nihil agere potuisses, saltem habitu cælestem illum puerum calefecisses, & si hoc minime suffecisset, sanguinem etiam amore illius profudisses. Denique hinc elicies feruida desideria & firma proposita, colendi honorandi, perfectissimeque seruiendi tanto Domino, qui tam multa tui causa fecit ac pertulit.

QUINQUE MYSTERIA
GAVDIOSA.

MEDITATIO I.

De mysterio Annunciationis.

PVNCTA MEDITATIONIS.

I. **C**ONTEMPLARE quomodo Dei
filius humanam naturam, ad totius
humani generis redemptionem assumptu-
rus, in Matrem sibi elegerit Mariam vir-
ginem conditione humillimam, quam ad
tātam dignitatem exulit, quanta nulli vn-
quam puræ creaturæ concessa fuit.

II. **C**ONSIDERA, quomodo postea-
quam felicissimum illud Incarnationis
Dominicæ tempus aduenisset, Deus de cæ-
lis Gabrielem Angelum misert, qui ad
Beatam Virginem precibus concipiendis
in pauperculo suo domicilio intentam in-
gressus, eidem ex parte omnipotentis Dei
nunciauit: quod electa esset quæ conciperet
& mundo ederet Messiam totius mundi
Saluatorem.

III. **R**EVOLVE tecum quomodo Ma-
ria non minus redemptionis humanæ cu-
pida.

pida, quam Creatori suo promptam obedientiam exhibere, humiliter assensu sic Angeli postulatis, atque ipso consensu Christum operante Spiritu sancto ac virgo semper intacta permanens, conceperit.

DOCUMENTA.

1. **F**ili, DEI munus est exaltare hominem, hominis contra officium est seipsum deprimere. itaque si teipsum extollis, atque id quod datum tibi est, tibi usurpas, DEVS te iuste ac merito humiliabit, arrogando sibi id quod tui officij erat.

2. Fili, si vis sanctis inspirationibus à Deo visitari, segrega te paulisper à nimia hominum conversatione, (quemadmodum Maria) atque orationi precibusque insiste.

3. In suscipiendis officijs & honoribus, oculos semper cum MARIA, ad virtutem, conuerte non ad tuam duntaxat commoditatem & exaltationem.

ORATIO.

O Benigna & dulcis Maria, à Deo ad tantam dignitatem electa: te deprecor placare digneris mihi clementissimum Redem-

DE ROSARIO. 38

emptorem nostrum Iesum Christum, quē tu virgo purissima & intemerata, ab Angelo Gabriele primum certior reddita, Spiritus sancti operatione in Ciuitate Nazareth concepisti, ac nouem mensibus castissimo utero tuo gestasti. Effice Domina, vt anima mea ijs virtutibus adornetur, vt spiritualiter concipere, & circumferre mereatur toto peregrinationis suę tempore, Iesum Christum; vt omnium rerum mundanarū oblita, solum Iesum cogitet, ad illū omnes cogitationes & opera sua dirigat, & illius honorem & gloriam in omnibus spectet. Amen.

MEDITATIO II.

*De mysterio Visitationis B. Virg.
MARIAE.*

PUNCTA MEDITATIONIS.

I. CONTEMPLARE quomodo Maria Dei mater effecta, posteaquam intellexerat ab Angelo, Elisabeth cognatam suam sterilem & annosam, ex diuina voluntate concepisse, ad montana in quibus illa morabatur, perrexit, vt eam inuiseretur, ei que ad partum vsque deuotē inseruaret.

II. CON

II. **C**ONSIDERA quomodo Elisabeth Mariæ salutatione percepta, Spiritu sancto repleta, tamque insolito gaudio perfusa fuit, ut etiam puerulus sex duntaxat mensium, quem vterio gestabat, præ lætitia exultauerit.

III. **E**XPENDE tecum quomodo B. virgo trimestri hoc spatio quo fuit cum Elisabetha, omnibus qui in domo erant, ob insignem modestiam fuerit gratissima: & cū stupore omnium in domus seruitijs sedula fuerit, nihilominus solita pietatis exercitia non relinquens.

DOCUMENTA.

1. **F**ili dum inferius alijs, noli tuam attendere dignitatem & excellentiam, sed Deum cuius amore id ipsum agis: hac namque ratione graue ac molestum tibi haud quaquam videbitur, montes etiam proximorum iuuandorum causa conscendere, quamuis te inferiores sint.

2. Si Salutatio Mariæ in terra degentis, potuit talem exultationem in Elisabetha producere: Nunc in celo vitam beatam viuens, non minorem tibi gratiam præstabit, si singulari eam deuotione colueris.

3. *Labores tui Dei amore peracti, maioris erunt meriti, si frequenti orationi, seruida que deuotioni, quemadmodum Mariae opera, coniuncta fuerint.*

ORATIO.

O Amantissima & humilis Maria, arca Dei altissimi, quæ postquam Iesum Redemptorem nostrum concepisses, festinanter ad Elizabetham cognatam tuam profecta es, quæ statim ut tuam percepit salutationem, gaudio ineffabili, & Spiritu sancto repleta fuit: quin etiam puerulus Iohannes Baptista, plenus insolita lætitia, in utero eius exultauit: Eique trium ferè mensium spatio, cum non mediocri omnium admiratione, humillimè seruiuisti. Dignare, ô Angelorum Regina, à Spiritu sancto, cælesti sponso tuo, talem charitatē & humilitatem mihi impetrare: ut ego mei Creatoris amore, ad tuum me exemplum componam, & cum omni gaudio & deuotione cunctis, etiam me inferioribus, seruiam.

Amen.

MEDI

MEDITATIO III.

*De Natiuitate IESV Christi Domini
nostri.*

PUNCTA MEDITATIONIS.

I. **C**ONTEMPLARE quousque se demiserit Dei filius, vt te exaltaret: quanta in rerum omnium indigentia in lucem hanc editus sit, vt te locupletaret: Attende quam maturè incipiat suis passionibus & ærūnis, vanas & fugaces sensuum tuorum voluptates exoluere.

II. **C**ONSIDERA piæ matris erga puerum Iesum affectus: vnum reuerentiæ, tanquam Deum: alterum amoris, tanquam filium suū: tertium compassionis, eò quod cerneret illum tanta commodorum omnium penuria laborantem, vt necessè haberet eum in præsepi reclinare.

III. **C**ONTEMPLARE gaudia SS. Angelorum in Natiuitate sui & nostri Domini, tripudiantium & exultantium; quamuis non ignorarent, illum natum esse ad saluandam humanam naturam, eamque super omnes Angelorum hierarchias extolleendam.

DOCV.

DOCUMENTA.

1. **F**ili, ea quæ Christus tui sublimandi & di-
tandi gratia fecit, nihil tibi proderunt; si tu
arrogans, elatus, & opibus, voluptatibusque mū-
danis plus quam par est, animo affixus, addictus-
que fueris.

2. Ne commouearis aut perturbaberis, quan-
do tibi in hac vita aliquid rerum necessariarum
deest: quia totius vniuersi Domino iam multa
defuerunt, ut in stabulo nasci & in praesepe col-
locari non sine magna corporis sui molestia, debue-
rit.

3. Fili exemplo Angelorum, semper de bonis
proximorum tuorum letare, quamuis te excellant
& superent: quia si de his tristatus fueris, præter-
quam quod bonum istud auferre aut imminuere
non valens, tibi ipsi non parum nocet, quod stulto-
rum & amentium est.

ORATIO.

O MARIA exēplū obedientiæ, quæ vt
edicto Cæsaris tēpore incōmodissimo
vtpote

utpote brumali, atq; utrum nono iã mēse
gestans, obtemperares, itineri te cōmissisti:
cumque nullum in ciuitate Bethlehemitica
reperires hospitium, in stabulum diuerse
re coacta fuisti, vbi non tantum nullo cor-
repta dolore, ut communis parturientium
mos est, sed etiam incredibili delibuta gau-
dio I E S V M peperisti: quem statim ut in
lucem editus fuit, humillimè veluti Deum
adorasti, & inde pannis vilibus inuolutum
in præsepi collocasti. Effice Regina mea
tuis precibus, ut sanctus hic filius tuus, mi-
hi non sit frustra natus, sed ut, quemadmo-
dum ille dignatus est meæ naturæ parti-
ceps fieri, sic ego gratia ipsius id efficiente,
consors diuinitatis esse merear. Amen.

MEDITATIO IV.

*De presentatione Domini in
Templo.*

PUNCTA MEDITATIONIS.

I. **C**ONSIDERA quomodo B. Virgo
quadraginta diebus post partum e-
lapsis, ad Templum Hierosolymitanum
profecta sit, & quamuis legi huic minimè
sub-

subiecta foret) ibique genibus humillimè in terram fixis, eximia cum animi deuotione, filium suum Deo Patri præsentauerit & obtulerit.

II. CONTEMPLARE quomodo etiam puer Iesus amoroso ac feruido cum affectu semetipsum æterno Patri, cui amore, tuæque salutis causa, obtulerit.

III. ASPICE posthæc beatum Seneca Simeonem, qui Christum vnus gestans, tanta animi, voluptate perfusus fuit, vt nihil ultra in hac vita desiderans, lachrymis exultationis & gaudij à Deo petierit, vt spiritum suum in pace suscipere.

DOCUMENTA.

1. Sicuti Deus nunquam non sustentat & regit nos, ita tu fili exemplo Mariae, nullam occasionem bene operandi tibi effluere patere, quamuis ad id nulla obligatione constringaris, quia meritum tuum idcirco non minus erit.

2. Fili si Deo aliquid offerre cupis quod tuum sit, ei que pergratum, da ei amorem ac voluntatem tuam, que multò adhuc acceptior ei erit, si pariter dilectum filiū ipsius Iesum, qui noster est, quia

quia nobis datus, & pro nobis natus est, ei obtuleris.

3. *Fili, si vis cum S. Simeone letus vivere, & in pace mori, ne desideres in hac vita quicquam, nec alteri adhaereas, quam Christo.*

ORATIO.

O M A R I A speculum omnis puritatis & obedientiae, quae ut legem cui subiecta non eras, adimpleres, non magnopere curasti, indigam te ostendere purificatione: ideoque die quadagesimo ad templum Hierosolymitanum iter instituisti, gestans tecum desideratum omnium gentium Iesus v. m., & deposita pro eo pauperum oblatione, deuotissimo eum corde caelesti Patri obtulisti. Fac, obsecro, pia mater, ut liberam voluntatem meam ita Creatori meo consecrem & offeram, ut ipse eam suscipiat, & dirigat: & ego eam non amplius uti meam, sed uti tuam à te donatam, tuoque seruitio non semel consecratam, tractem.

Amen.

M. E.

MEDITATIO V.

De Iesu perditione & inuentione in templo in medio Doctorum.

PUNCTA MEDITATIONIS.

I. **C**ONSIDERA quomodo B. Virgo, posteaquam singulari cum religione Paschalia festa Hierosolymis peregerit, atque cum inde reuenteretur, Iesus ibidem remanserit, Matre nihil horum sciente, sed existimante ipsum in virorum comitatu esse, qui in huiusmodi celebrioribus congregationibus ac festiuitatibus, à mulieribus segregati erant.

II. **C**ONTEMPLARE quam acerbos dolores B. Virgo persenserit, quando sub vesperam dilectum filium amissum esse animaduertit. Quam amaras lachrymas nocte illa profuderit: Quam gembundis cum suspirijs summo mane Hierosolymã, eius inquirendi gratia reuersa sit.

III. **P**ERPENDERE, quam ineffabili gaudio cor Marię perfusum fuerit, quando desideratũ filium suũ inter Doctores in templo cum omnium admiratione & stupore disputantem reperit.

DO-

DOCUMENTA.

1. **F**ili, si in bonorum operum exercitatione labore aliquem aut iacturam percipis, noli contra Deum commoueri, vel bona opera relinquere, sed a quo ac patienti animo hæc sustine: cum enim DEO non minus aduersitatum tolerantia, quam aliorum bonorum operum exercitium placeat, idcirco, aduersitatem hanc super te venire permisit, ut tuam probet patientiam, & per illius exercitium ipsi gratius & acceptus reddaris.

2. Si Maria ob Christum sine sua culpa perditum usque adeo doluit, quid te facere oportebit, quando illum per peccatum iacturam facis?

3. Fili, si gaudenter Christum inuenire cupis, quare illum in templo, quare eum cum dolore, quare denique illum statim, ubi te illum perdidisse animaduertes.

ORATIO.

O MARIA consolatrix afflictorum: te deprecor per acerbum illum dolorem, quem hausit anima tua, quando Iesum Hierosolymis perdidisti, & matra quaesiuisti: Et per illud ineffabile gaudium quo cor tuum

eum perfusum fuit, quando tertio die inter Doctores in templo illum reperisti: im-
 petra mihi tale lumen, vt quis I E S V S sit,
 & quam infelix anima mea sine I E S V sit,
 agnoscam; vt prius milles mortem oppete-
 re cupiam, quam mea culpa I E S V M
 perdere. Et si aliquando illum perdidero,
 cū lachrymis, & suspirijs, vt illū quæsiuisti,
 requiram, nec vllam mihi quietis partem
 concedam, donec eum reperero. Amen.

QUINQUE MYSTERIA DOLOROSA.

MEDITATIO I.

De oratione Christi in horto.

PVNCTA MEDITATIONIS.

I. **C**ONSIDERA quomodo Christus
 priusquam passionem suam acer-
 bissimam ordiretur, ad Patrem trinam in
 horto sudit orationem: qua totum se Patri
 resignauit, & pro salute animæ tuæ consen-
 sit, ad amarissimæ Passionis suæ calicem
 potandum.

II. **C**ONTEMPLARE quomodo
 Christo, in terra prostrato, ac precibus in-
 cumbente, Angelus ad eum confortandū,

bb

& ros

& roborandum descenderit, ipse vero tantis doloribus, & angustijs circumdatus fuit, ut sanguinem sudauerit.

III. REVOLVE tecum quomodo mansuetus IESVS quamuis afflictissimus, nequaquam indignatus fuerit, aduersum Apostolos a se delectos, ut suarum angustiarum socij & spectatores essent, cum eos somno indulgere cerneret, dum ipse tantis vndique angustijs premeretur.

DOCUMENTA.

1. **F**ili discè à Christo in tribulationibus & aduersitatibus, ad orationis præsidium cõfugere, sed ita, ut nihil determinati postules, sed totus sis in te humiliando, atque Dei creatoris tui beneplacite voluntati resignando.

2. Discè præterea à Christo, non commoueri, quando tribulationibus agitaris, & alij aut tibi minimè succurrunt, aut nulla erga te mouentur compassione.

3. Fili, non tibi videaris multum egisse, si pro amore Dei in proximorum necessitatibus subleuandis & curandis sudore madeas: quando quidem Christum tui causa sanguinem vbertim sudauit.

ORA-

DE ROSARIO.

27

ORATIO.

O MARIA Regina cælorum, te humili-
liter oro, tibi supplico, vt digneris,
tua pia intercessione Redemptorem nostrū
IESVM Christum mihi reddere propitiū,
qui hortum cum discipulis ingressus, pro-
pter nos graui mærote confectus fuit, &
pròlixius orans, ob angustiaè vehementiam
toto corpore sanguinem sudauit. Fac obse-
cro Domina mea, vt ego in doloribus &
angustijs meis, ita diuinæ voluntati me cõ-
formem & resignem, vt ad exemplum Filij
tui Magistri mei, nihil aliud cogitare aus-
dicere valeam: præterquam, *Fiat Domine ve-*
luntas tua, non mea. Amen.

MEDITATIO II.

De Christi ad columnam flagel-
latione.

PVNCTA MEDITATIONIS.

CONTEMPLARE quomodo in-
nocens IESVS à Pilato ludæorum,
hostium suorum potestati traditus fuerit,
vt eum flagris cæderent, atque hoc suppli-
cio satiati, mortem eius non desiderarent.
II. **P**ER PBNDE quãta cū rabie impij sa-
tellites Iesū nullo respectu habito audauc-
rint,
bb 2. xint,

runt, ipso non modò non repugnante, sed etiam permittente, vt instar mancipij ad columnam ligaretur, quo peccatorum tuorum vincula solueret.

III. **C O N S I D E R A** quale tormentum sanctissima illa caro tam immaniter flagris concisa senserit, vt tuas inordinatas voluptates expiaret. Quantus etiam dolor pijsimę Matri fuerit, quando acerbum illud nuntium, tam crudelis & contumeliosi tormenti ad aures illius perlatum fuit.

DOCUMENTA.

1. **F**ili, si similis esse non vis Pilato, qui innoxium flagellis cædi curauit: deuita peccatis, quo innocens anima potestati passionum turbulentarum traditur, & ab eis vexatur & flagellatur.

2. Fili aspice vt christus non conqueratur de inhumanitate & crudelitate ministrorum, in eum seuentium: Et tu tam facile perturbaris, & conquereris, quando vel non sicut optares, honoraris, vel alij maioribus honoribus quam tu afficiuntur.

3. Disce quomodo te oporteat carnem tuam tractare, si eam rebellem experiri nolis, & ceruicem tibi

tibi persuade, melius esse ut eam in hac vita flagris cedas, quam ut in altera vita Dæmonum flagella perpeti cogatur.

ORATIO.

O Clémentissima Dei mater, te deprecor per illum dolorem, quem innocentissimus IESVS sensit, quando in prætorio Pilati contumeliosè vestibus spoliatus, ad columnam arctissimè religatus, in eaque atrocissimè flagellatus fuit, & quaquaversum sanguinis riuos promanavit: te rogo mater misericordiæ, dignare mihi de cælo talem impetrare virtutem, ut lætus & gaudens suscipiam, patienterque sustineam, omnia flagella quibus clemens Deus in hac vita me visitauerit, quemadmodum Filius tuus suscepit, & toleravit ea, quæ per summam iniuriam ei ab impijs Iudæis inflicta fuerunt.

Amen.

MEDITATIO III.

De Christi spinea coronatione.

PUNCTA MEDITATIONIS.

I. **C**ONSIDERA ornamenta quibus Iudæi Cælorum Regem, Dominum tuum, per ludibrium vestierunt: purpuram ludicram, coronam spineam, & arundinem quæ sceptri locum suppleret. Aspice, quanta cum obedientia & mansuetudine IESVS hæc ab irrisoribus suis accipiat.

II. **C**ONTEMPLARE venerandum illum vultum à ministris abiectissimis alapis percussum, & sputis defædatum. Non est curæ Domino quod derisui habeatur, ut hoc exemplo animi tui arrogantiam, & ambitiosa desideria confunderet, & ad eius detestationem te excitaret.

III. **R**EVOLVE tecum crudeles illas spinas quæ caput IESVS transfixerunt, etiam Mariæ animam dolore transfixisse, quæ tamen quando tam ignominiosum tormentum ei nunciatum fuit, non excaudit adversum truculentiam Iudæorum.

DOCV.

DOCUMENTA.

1. **F**ili, discce cum mansuetudine obtemperare, etiam in rebus palato tuo minus placentibus, & existimationi tue aduersantibus, quando quidem Christus in ijs qua ad maiorem illius dolorem & ignominiam spectabant, promptissimam obedientiam tortoribus suis exhibuit.

2. Fili, ne queras in hac vita honorari, aut estimari, nec doleas si aliqua tibi injuria irrogatur. Attende ut Dominus tuus despectui habitus, & ab hominibus abiectissimis iniuriosè tractatus fuerit.

3. Fili, quod tristaris de malo tuo aut proximi tui, non est peccatum: sed quod perturberis, & excandescas aduersum Creaturas aut Creaturam earum, id verò non leue crimen est.

ORATIO.

MARIA dulcis & benigna peccatorum Aduocata, dignare mihi placatum reddere clementissimum Redemptorè nostrum Iesum Christum, qui à facinorosis hominibus, purpura ad maiore illius ignominiam circumamictus, spinis acutissimis coronatus, per ludibrium ab infimæ conditionis

hominibus adoratus, arundineque & alapis crudelibus cæsus fuit.

Fac obsecro pijsissima Regina, vt huius spinosi capitis membrum sum nõ delicatũ, sed vt I. S. S. V. Christi exemplo me conformem, & patienter propter amorem eius omni inuriam & contumeliam, meique contemptum quem mihi in præsentem vitam homines intulerint sustineam, illumque tolerando, conuenientem inde fructum animæ referam. Amen.

MEDITATIO IV.

*De Christi crucis ad montem Caluarie
baiulatione.*

PUNCTA MEDITATIONIS.

I. **A**SPICE vt Dominus tuus iniuste ad mortem à Pilato condemnatus, nec quicquam de iniuria sibi facta quaestus, iniquæ sententiæ paruerit, & Cruce in humeros debilitatos ac laceros assumpta, iter ad Caluarie locum cepit, volens libensque morti se offerendo, vt tibi vitam æternam donaret.

II. **EXPENDE** tecum quantum dolorem hauserit mæsta mater, quando terribilem iustitiæ tubam insonare percipit, & vexillum.

DE ROSARIO.

37

vexillum mortiferum explicari, atque ad montem Caluariae, communem videlicet supplicij locum deferri conspexit.

III. CONSIDERA Mariam simul cum alijs mulieribus foras urbem egressam fuisse, vt Iesum doloribus & afflictionibus confectum cerneret. Perpende quantus cordi eius dolor fuerit, quando innocentē filium sub graui crucis pōdere, totum sanguine perfusum, ac deformatum intuita est.

DOCUMENTA.

Disce fili crucem portare, & his quibus debes sine excusationibus & querimonijs obtemperare, vt & Christus his quibus obligatus non erat, & qui magnam ei iniuriam faciebant, obediens extitit.

2. Fili, si afflictiones & aduersitates quibus in hac vita premeris, cum afflictionibus Mariae componeres, non essent tibi vsque adeo graues, & molestae; nec tam magnae, quales nunc existimas, tibi viderentur.

3. Non expedit Fili, vt tu tibi crucem, quā portaturus sis, eligas; sed opus est, vt ad exemplū Christi, crucem quamcunque tibi Deus portandam dederit, hilariter suscipias, & constanter feras.

bb. 53 O R A

ORATIO.

O MARIA mæstorum solatium, & fortitudo: te deprecor fac vt in tribulationibus miseri huius exilij habeam subleuatorem I E S V M, qui à Pilato morti contra fas & æquum adiudicatus, & Iudeorum, hostium suorum infensissimorum potestati traditus fuit, qui crucem laceris eius humeris imposuerunt: Ipse vero opprobrium hominum factus & abiectio plebi, cum insigni patientiæ exemplo, licet non absque grauiissimo cruciatu, ad montem Caluariæ tulit. Fac Regina mea per tuam sanctam intercessionem, vt in ferenda cruce, & tribulationibus præsentis vitæ, anima mea non perdat meritum, neque de via vquam aberret. Amen.

MEDITATIO V.

De Christi crucifixione.

PUNCTA MEDITATIONIS.

I. **C**ONSIDERA, quomodo Christus postquam ad montem Caluariæ peruenisset, vestibus cum immani rabie spoliatus, & cruci affixus fuerit: actus conclauationis eius, & ingentes blasphemias quas impij satellites in I E S V M euomebant, per pie piente B Virgine Maria, quæ lachrymosam illam processionem sequebatur. 2. Cor.

DE ROSARIO.

II. CONTEMPLARE quomodo Christum iam cruci affixum, exaltaueris, crucisque pedem in scrobem præparatum cadere permiserint; In qua totius corporis concussionem, incredibiles angustias perferens, manuumque ac pedum vulnera, cum acerbissimo doloris sensu, amplificata fuerunt.

III. PERPENDERE tecum quas defeciones passa fuerit B. Virgo, dum lamentabile hoc spectaculum intueretur, nempe filium suum charissimum nudum, & uti facinorosum & infamem hominem in Cruce medium inter duos latrones, pendentem, & cum morte colluctantem, omni spe illi succurrendi, aut solatium aliquod præstandi sublata.

DOCUMENTA.

1. **F**ili, dum pateris pro amore Dei, non murmeres, neque fatigeris. Aspice ut Iesus tui amore non quiescat, sed quanto proximior fit morti, tanto magis eius tormenta incrementa sumunt.

2. Noli indignari ob contumelias & iniurias que tibi irrogantur, quandoquidem Dominus, cui iusta excusationis materia suberat, nec ira contra ministros efferbuit, nec de suis cruciatibus indoluit, vel lamentatus est.

bb 6

3. Fili,

3. *Fili non sufficit crucem ad montem vsque portare, nec satis est eidem affigi, sed necessarium est exemplo Christi in cruce ad mortem vsq; constantiter persistere.*

ORATIO.

O Maria tutissimum indigentium refugium, fac ut sim verus imitator mansueti Agni I e s v, qui in cruce medius inter duos latrones pendens, cum multis conuitijs, ac blasphemijs à Iudæis impeteretur, ac miris modis ludibrio haberetur, humillimam ostendit patientiam, & Patrem suum cælestem pro inimicis & crucifixoribus suis exorauit. Te igitur obsecro, virgo benignissima, per dolorem illum, quem sensit anima tua, quando Filium infontem, in cruce pendere conspexisti, impetra mihi tres illas virtutes, quæ in passione illius potissimum emicuerunt, videlicet, Patientiam,

Humilitatem &
Charitatem.

Amen.

QUINQUE MYSTERIA.
GAVDIOSA.

MEDITATIO I.

De Resurrectione Domini.

PUNCTA MEDITATIONIS.

I. **C**ONSIDERA, quomodo Christo mortuo, anima eius victrix ad Lybnum perrexerit, atque inde SS. Patres in libertatem asseruerit. Expende tecum quale fuerit eorum gaudium, quis iubilus, quandoquidem tanto tempore nihil ardentioribus votis desiderauerant, & à Deo postulauerant.

II. **C**ONTEMPLARE quomodo die tertio eadem anima corpori se iterum vnierit. Et Christus de sepulchro gloriosus egrediens primò Matrem inuiserit, eamque summa voluptate & gaudio perfuderit.

III. **P**ERPENDE tecum quomodo deinde Magdalenam quæ ipsum singulari amore ac perseuerantia quæsierat, solatus sit: idemque postea fecerit alijs discipulis, quamuis in passione ab eis derelictus fuisset.

DOCUMENTA.

1. **F**ili, cum Christus descenderit ad infernalem regionem, ut consolaretur ac liberaret S. S. Patres in teterrimo illo carcere conclusos, condescens etiam est, ut tu ad auxilium & consolationem affectorum, carceres & nosocomia visitare non erubescas.

2. Disce à Christo parentes & maiores tuos omni obseruantia colere. Disce à B. Virgine & Maria Magdalena, in rebus aduersis, ad Christum aspirare, nec de creaturis conqueri.

3. Fili, iniuriarum tibi factarum omnem memoriam abice, ut iuxta Christi Domini exemplum, bonum pro malo semper reddas.

ORATIO.

OMARIA miserorum ac tribulato-
rum protectrix, fac, obsecro, ut ex toto
corde dulcissimum liberatorem nostrum
I E S U M Christum diligam, qui tertio post
mortem die virtute propria rediuiuus, &
triumphans, è sepulchro clauis & sigillis
diligentissimè munito, exiuit, teque dile-
ctissimam Matrem suam & alios amicos
inuisens, incredibili voluptate perfudit. Ti-
bi o-

DE ROSARIO.

39

bi ò cælestis regina supplico, per illud gaudium quo delibura fuisti, quando desideratissimum filium tuum à mortuis rediuiuū conspexisti, effice vt ego à terra mearum imperfectionum, ad nouam vitam exurgens, cælestia tantum quæram & gustem. Amen.

MEDITATIO II.

De Ascensione Christi.

PVNCTA MEDITATIONIS.

I. **C**ONTEMPLARE quomodo Christus in monte oliueti consistēs, iamque ascensurus in cælum, amplexata primum matre sua, ceterisque omnibus, per ordinem eis benedixerit: & deinde turmis Angelorum & sanctarum animarum, quas è lyngo eduxerat, stipatus, in altum ascenderit, discipulos suos indefinenter respiciens, eisque benedicens.

2. **A**SPICE quanta cum celebritate ab æterno Patre, totaque cælesti curia susceptus, & tanquam victor, cum incredibili gloria ad thronum gloriæ perductus fuerit.

2. Coa-

III. **C**ONSIDERA quomodo Apostoli alijque discipuli videntes Christum ab eis in cælos ablatum fuisse, per fugium suum habuerunt ad B. Virginem; eamque venerantes sibi in Magistram & directricem delegerunt.

DOCUMENTA.

1. **F**ili nisi ad celestem patriam cor tuum ab omnibus terrenis rebus abstractum & auulsum præmiseris, nunquam ad cælum peruenies.

2. Si (ad Christi exemplum) cælum triumphans ingredi desideras, necessarium est, ut non modò inimicorum extrinsecorum, verum etiam intrinsecorum, quales sunt passionēs & inordinata desideria, cum animo pugnantia victor euidas.

3. Fili, quando Christus recedit à te, aridumque & afflictum te relinquit, recurre (quemadmodum Apostoli) ad piissimam Matrem ac Virginem Mariam, eamque roga, ut tibi sit ductrix in hac valle miserie ac lachrymarum, ut Iesum sequi eiusque vestigia imitari valeas.

ORA.

ORATIO.

O Amantissima virgo Maria, infirmorum & debiliū fidum sustentaculum: fac vt in molesta hac peregrinatione per amoris affectū ad dulcissimum Saluatorem meum I E S V M ascendam: qui quadragesimo post resurrectionem suam die gloriosus ascendit in cælum, & velut eximius triumphator ad dextram Patris resedit: Impetra mihi ô Domina hanc gratiam, vt curram semper in odorem virtutum capitis mei I E S V Christi, tandem que ad expectatissimam patriam, in qua regnat perueniam, vbi eum laudem per infinita sæcula sæculorum. Amen.

MEDITATIO III.

De aduentu Spiritus sancti.

PUNCTA MEDITATIONIS.

I. **C**ONSIDERA quomodo post gloriosam Christi in cœlos ascensionem, B. Virgo Maria Hierosolymam redijt, vbi partim sermonibus, partim exemplo Christi fideles instituebat, illosque ad expectandum Spiritus sancti consolatoris.

ris, à Christo promissi aduentum robots-
bat.

II. CONTEMPLARE quomodo
discipulis simul cum B. Virg. MARIA in
vno cubiculo congregatis & orationi in-
stantibus, Spiritus sanctus venit, & supra
vnumquemque in forma linguarum igne-
arum conspicuus apparuit

III. ASPICE quomodo Spiritus san-
ctus Apostolos ita inflammavit, confirma-
uit, tantaque illos fortitudine, sapientia &
feruore compleuit, vt omni vano timore
eliminato, è vestigio Christum in publico
prædicare cæperint.

DOCUMENTA.

1. **F**ili, da operam vt proximum magis bono
exemplo, vii fecit MARIA, quam verbis
instruas: quia bonum exemplum statim penetrat
& mouet cor, verba verò tardè & raro ad cor
pertingunt.

2. Quemadmodum Christus in cælum gloria
sua abiens, discipulorum suorum in terris relictorum
haudquaquam oblitus fuit: sed spiritum san-
ctum illis misit: ita & tu in dignitatem sublima-
tus, voli obliuisci eos qui te inferiores sunt, conso-
lari & animare.

3. *Vis omnem vanum timorem à te propellere? fac vt Spiritus sanctus tecum habitet. Et vt consolatorem hunc adipiscaris, perseuera cum Apostolis in oratione.*

ORATIO.

O Clementissima virgo MARIA, cōsolatrix afflictorū, te oro, per illā exultationem quam sensit anima tua in consolatoris huius ad recentem Christi Ecclesiā aduentu, vt digneris tua sancta intercessione mihi impetrare hanc gratiam, vt à dilecto filio tuo IESU Christo, qui spiritum Apostolorum suorum cæterorumque fidelium cordibus infudit, à quo mirandum in modum consolati, roborati, illuminati, atque instructi fuerunt, aliquid fauoris ac beneficij consequar. Fac Domina mea, vt caelesti hoc igne ita succendar, inflammer, & renouer, vt omni mundana gloriola conculcata, omnes cogitationes, verba & opera mea ad meritam Dei gloriam referam. Amen.

De B. Virginis Mariae in caelos assumptione.

PUNCTA MEDITATIONIS.

I. **C**ONTEMPLARE quomodo B. Virgo **M**ARIA, presentiam suam Ecclesiae amplius necessariam non esse iudicans, eò quod iam satis excreuisse & sufficienter instructa esse videretur: petijt à **D**eo ex hac vita tolli, & dilecto filio suo sociari.

II. **C**ONSIDERA quomodo B. Virginis **M**ARIAE preces exaudita fuerint: ideoque anima illius à corpore separata, Angelorum manibus in caelum delata: corpus vero ab Apostolis, qui non sine miraculo omnes morti eius interfuerunt, sub terra conditum fuit.

III. **R**EVOLVE quomodo anima B. Virginis iam beatificata, triduo post mortem suam, ex diuina voluntate de caelis descendit, vt corpus suum resumeret: quo recepto, B. Virgo inter Angelorum cateruas, ingenti cum letitia in caelum assumpta fuit.

DOCUMENTA.

1. **D**isce fili à Beata Virgine non denegare
proximis operam tuam, quando eam illis
necessariam esse cognoscis: etiamsi te ipsum hac ra-
tione multis priues consolationibus.

2. Si vis in morte animam tuam ad celos
euolare, opus est, ut modò eam à peccatorum pon-
dere liberares, atque ab omni inordinata affectione,
que eam ligatam tenet, exoluas.

3. Fili, si cupis à DEO multis, quemadmo-
dum B. Virgo Maria priuilegijs & beneficijs affi-
ci: statue dum viuis nihil aliud velle, quam quod
DEVS vult; sic enim ab eo tanquam ipsum esses,
trahaberis.

ORATIO.

O MARIA cælestis aurora, quæ splē-
dore tuo cunctos lætificas & recreas,
impetra mihi gratiam, ut à sole iustitiæ
Iesv Christo filio tuo trahar & illumi-
ner, à quo tu genitrix eius sanctissima in
caelos assumpta, & super omnes Angelo-
rum choros exaltata fuisti. Fac obsecro Ma-
ter piissima, Angelorum regina, ut tuo ex-
emplo

emplo in terris per semitam humilitatis
incedam, & tandem per sanctissimi filij tui
merita, ad felicissimam patriam in qua per
enniter viuit & regnat, peruenire valeam.
Amen.

MEDITATIO V.

*De gloriosa B. Maria in caelis corona-
tione.*

PUNCTA MEDITATIONIS.

I. **C**ONTEMPLARE quomodo Ma-
tre DEI B. Virgine MARIA tanta
cum gloria caelos introeunte, omnes beati
spiritus eam venerati fuerint, & ingenti
cum tripudio, eam veluti Reginam suam,
exceperint.

II. **C**ONSIDERA quomodo tota ce-
lestis curia, obuiam ei procedens, illam sin-
gulari cum honore ac maiestate ad San-
ctissima Trinitatis thronum perduxit, à
qua honorificè suscepta & coronata fuit.

III. **A**SPICE quomodo deinde in pre-
tiosissimam sedem, supra omnes Angelo-
rum choros ad dilectissimi filij sui dexterā
collo-

collocata fuit, vbi nunc pro illis qui se diligunt & venerantur, intercedit.

DOCUMENTA.

1. **F**ili, vide ad quantam gloriam & honorem humilitas B. Virginem prouexerit. Si ergo honorari cupis in caelis, opus est vt ad exemplum **MARIAE** humilies te in terris.

2. Certo tibi persuade, neminem vel propter diuitias, vel propter nobilitatem, vel propter scientiam coronandum esse in caelis: sed propter virtutem & bona opera in hac vita peracta, triumphum, & eternam in caelis coronam adepturum.

3. Si vis B. Virginem **MARIAM** tui in caelis curam habere, atque varia à **DEO** beneficia tibi impetrare, venerare & speciali deuotione cole ipsam in terris: esto humilis, & super omnia puritatem atque mundiciam sectare.

ORA-

ORATIO.

O MARIA procelloſi huius maris
ſtella, & noſtra in cælis aduocata, te
humiliter obſecro, vt mihi propitium red-
dere digneris clementiſſimum Redem-
ptorem meum I E S V M Chriſtum, qui in-
genti cum lætitia totius cæleſtis aulæ, te
coronauit, reque ſuper omnes alios San-
ctos, proximius ſibi aſſidere voluit. Fac,
piſſima Domina, vt ita in terris depug-
nem, vt perennem coronam promerem
in cælis, vbi diuinam Maieſtatem
omnium bonorum meorum
primam ſcaturiginem,
perpetuis laudi-
bus celebrem
Amen.

LITA-

LITANIAE B. MARIAE ⁴⁹
VIRGINIS.

K Yrie eleison.
Christe eleison.
Kyrie eleison.
CHRISTE audi nos.
CHRISTE exaudi nos.
Pater de coelis DEVS. miserere nobis.
Fili redemptor mundi DEVS. mis. no-
bis.
Spiritus sancte DEVS. mis. nobis.
Sancta TRINITAS vnus DEVS. miser.
nobis.
Sancta MARIA. ora pro nobis.
Sancta DEI genitrix. ora.
Sancta Virgo virginum. ora.
Mater Christi. ora.
Mater inuiolata. ora.
Mater castissima. ora.
Mater purissima. ora.
Mater intemerata. ora.
Mater amabilis. ora.
Mater laudabilis. ora.
Mater diuinæ gratiæ. ora.
Mater Creatoris. ora.
Mater Saluatoris. ora.
cc Mater

Mater pietatis.	ora.
Mater misericordiae.	ora.
Magistra humilitatis.	ora.
Magistra obedientiae.	ora.
Magistra prudentiae.	ora.
Virgo clementissima.	ora.
Virgo veneranda.	ora.
Virgo praedicanda.	ora.
Vas virginitatis.	ora.
Speculum iustitiae.	ora.
Sedes sapientiae.	ora.
Rosa mystica.	ora.
Turris eburnea.	ora.
Stella matutina.	ora.
Salus infirmorum.	ora.
Refugium peccatorum.	ora.
Auxilium Christianorum.	ora.
Consolatrix afflictorum.	ora.
Regina Angelorum.	ora.
Regina Patriarcharum.	ora.
Regina Prophetarum.	ora.
Regina Apostolorum.	ora.
Regina Innocentium.	ora.
Regina Martyrum.	ora.
Regina Confessorum.	ora.
Regina Virginum.	Regina

LITANIAE.

Regina omnium Sanctorum, ora pro nobis

ANTIPHONA.

Sub tuum præsidium confugimus sancta DEI genitrix, nostras deprecationes ne despicias in necessitatibus nostris, sed à periculis cunctis libera nos semper Virgo gloriosa & benedicta.

Vers. Ora pro nobis sancta DEI genitrix.

Resp. Ut digni efficiamur promissionibus Christi.

Vers. Domine exaudi orationem meam.

Resp. Et clamor meus ad te veniat.

OREMVS.

Protege Domine famulos tuos subsidijs pacis, & B. MARIAE semper virginis patrocinijs confidentes, à cunctis hostibus nos redde securos. Per Christum Dominum nostrum. Amen.

Vers. Benedicamus Domino.

Resp. DEO gratias.

ORATIO AD GLORI-
OSISSIMAM VIRGINEM
MARIAM.

SERENISSIMA Coeli Regina, Mater
vniigeniti DEI Patris filij, sacrarium
spiritus sancti, MARIA virgo purissi-
ma, gratia plena, super omnes mulieres be-
nedicta, saluto, laudo, & veneror beatissi-
ma viscera tua, quæ fructum vitæ per quæ
toti mundo salus & benedictio aduenit,
produxerunt.

Et quamuis verè agnoscam me indignū
esse, qui tuas laudes prædicem, aut coram
oculis tuis comparem, quia in peccatis
conceptus & educatus sum: agnosco nihil-
ominus tua pietate dignum esse non as-
pernari peccatores, pro quorum reconcili-
atione in talis filij Matrem electa fuisti:
Scio etiam te licet ad summam hanc dig-
nitatem sublimata sis, antiquam nihilo-
minus humilitatem & benignitatem, qua
omnibus clemens & propitia es, non de-
posuisse: Ac proinde quemadmodum ad te
confugiunt peccatores, velut ad mediatri-
cem, & miseri veluti ad misericordiæ Ma-
trem, ita & ego qui omnibus miserior &
sceleratior sum, ad te venio.

AD B. VIRGINEM.

13

Ad quem enim securius confugiam quam ad te, quæ super omnes Angelorum & Beatorum choros exaltata es, & post filium tuum Dominum nostrum, altissimam in cœlesti aula sedem obtines?

In quem certius fiduciam meam collocem, quam in te, quæ peccatorum es aduocata, & Luna splendens tenebras nostræ noctis illuminans? Quis me maioribus beneficijs ornabit quam tu, quæ es Cœli porta, cuius orationes tam gratae atque acceptæ sunt diuino conspectui, vt quilibet etiam impetrare possis: Quapropter, o pia Mater, consolatrix nostra tibi me commendo, atque ad sanctissimos pedes tuos aduolutus, tuam piam imploro clementiam: noli me indignissimum peccatorem deserere virgo sacratissima: quia nemo te inuocauit & repulsus est; nemo in te sperauit & confusus est. Conuerte ad me illos tuos misericordes oculos, quæ merito comparantur piscinis Hesebon, quia quemadmodum illis nunquam defuit aqua: ita pijs oculis tuis nunquam deest misericordia, & miseriarum nostrarum compassio: vt de te rectius dici possit quam de lobo, quod ab infantia tecum creuerit miseratio, & de matris utero tecum egressa fuerit.

cc 3

Inclina.

Inclina, benignissima Virgo, aures tuas pietatis ad orationem afflicti serui tui: & aspice tribulationes & ærumnas quas patior: quibus si vis certus sum, te nullo negotio medelam facere posse. Ego quidem indignitatem meam, & quam tibi dissimilis sim agnosco: quia tu es tota sancta, tota gratiosa, tota pulchra, & macula non est in te, ego verò sum peccator, totus miser, totus in peccatis natus, totus sordidus & execrabilis: nihilominus quanto maior est vilitas mea, tanto clarius ex mei susceptione elucescet humilitas tua: & quanto maiora sunt vulnera mea, tanto manifestior erit in mei curatione potentia & misericordia tua. Quare, dulcissima Virgo, *Monstra te esse Matrem, insende in adiutorium meum*, & noli mihi denegare, quod illis, qui se tibi pia deuotione commendant, concedere solita es.

Recordare, gloriofa virgo, quam gloriofa dicta fuerint de te & facta per te, quia quæ de te prædicta & præfigurata fuerant, opere adimplesti.

Tu es speciosa & pia illa virgo per Rebeccam figurata, quæ aquam præbuit, non tantum seruo Abrahami petenti, sed etiam camelle.

AD B. VIRGINEM.

95

camelis eius: quod tu perfectius agis, quæ non es contenta iustos, qui sunt homines secundum rationem viuentes beneficijs decorare, sed etiam peccatores, qui instar gibbosorum camelorum, à concupiscentijs suis superari se patiuntur; quibus tu aquam diuinæ gratiæ impertias; cuius ut me quoque indignissimum tua intercessione participem facias simplex rogo.

Tu es Regina illa per Hester pulcherrimam figurata, cuius intercessione, Rex Assuerus illis quos ad mortem condemnauerat, vitam largitus est: sic & tu speciosissima, & clarissima in oculis summi Regis Regum existens, multis qui propter scelera sua æternam damnationem mereantur, tuis precibus immortalem vitam obtines: intra quorum numerum, ut me quoque, qui æterna morte dignissimus sum, admittas humiliter oro.

Tu es figurata per prudentem illam Abigail, quæ Dauidem de tota domo ipsius se vlcisci patrantem prohibuit: quod & tu sæpenumero, tua prudentia & gratia facis, impetrando ne Deus in nos iuxta multitudinem & gravitatem scelerum nostrorum animaduertat: quod ego à te spero.

calius flagito, qui me cæteris omnibus ea gratia indigentiorum agnosco,

Tu es melior Iudith: tu gloria IERUSALEM, non modo terrenæ, sed etiam cælestis. Tu lætitia non tantum populi tui Israhel, sed etiam Angelorum. Tu honor populi Christiani. Tu denique virgo excellentissima, sola omnium foeminarum quæ te præcesserunt, teque præfigurant perfectionem & excellentiam superas, quia omnes gratiæ, quæ alijs per partes collatæ sunt, tibi soli cum maiori plenitudine simul fuerunt infusæ. Itaque aliarum foeminarum nulla est, quæ tibi comparari possit. Angelos puritate, & omnes Sanctos perfectione atque sanctitate vincis. Quandoquidem ergo sanctior & gratiosior es, quam vlla possit lingua profari, fac, vt tantarum diuitiarum & donorum quibus decorata es, aliqua ad me pars pertineat: vt ex paupertate ac miseria in qua versor, emergam.

Aspice, oro, mæsta suspiria mea & continuos gemitus afflictæ cordis mei, propter acerbas illas lachrymas quas magno cum animi tui dolore profudisti: quando amantissimum filium tuum cruci affixum, inter latrones pendentem, & pretiosissimum sanguinem cum immanissimis cruciati-

AD B. VIRGINEN. 57

ciatibus profundentem conspexisti: & propter amarissimam passionem & mortem ipsius, quæ animam tuam sanctissimam dolore penetravit: propter hæc inquam te obtestor, impetra miserè vitæ meæ aliquod refrigerium, quæ inter tot afflictiones deficit.

Letifica ô lætitiâ Angelorum, *animam serva* ut tu, *sonet vox tua dulcis in auribus meis*, ut per illam conforter, viuificer, & incipiam cantare canticum novum in laudē tuā, enumerando misericordias tuas, & te sine fine cunctis generationibus quæ te beatam pronuntiant, benedicendo: cuius inæstimabilis gloria & beatitudo, permanebit in Cœlo & in terra per omnia

secula seculorum.

Amen.

F I N I S.

cc. 5

R. P.